

Saksframlegg

Arkivreferanse: 2019/26896- 1
Saksbehandler: Lasse Kolbjørn Anke Hansen, Hordaland
Avdeling: Fylkesrådmannen

Etablering av ein database med økonomiske nøkkeltal for alle verksemder på Vestlandet

Sakens gang

Saksnummer	Møtedato	Utvalg
		Vestlandsrådet

Fylkesrådmannens innstilling

1. Vestlandsrådet støtter etableringa av ein kvalitetssikra database med økonomiske nøkkeltal for alle verksemder på Vestlandet med moglegheit for geografiske og næringsmessige aggregering.
2. Vestlandsrådet ber nye Vestland fylkeskommune legge fram eit løysingsforslag for ein slik database, inkludert kostnadsestimat for etablering og drift, på første møte i rådet våren 2020.
3. Vestlandsrådet ber fylka peike ut og frigi administrative ressursar til prosjektgruppa og referansegruppa for dette prosjektet.
4. Vestlandsrådet løyver kr 50 000,- til arbeidet med å lage eit løysingsforslag. Dette skal dekke prosjektgruppa sine utgifter, inkludert frikjøp av prosjektleiar og IT-ressurs.

Inge Smith Dokken
fylkesrådmann

Arne Hope
sekretariatsleiar

Bakgrunn

Vestlandsrådet har sidan 2008 fått produsert nøkkeltal for utvalde næringer på Vestlandet. Arbeidet har hatt eit klyngeperspektiv heller enn eit streng nærings- eller bransjeperspektiv, og har på den måten søkt å avdekke verdikjeda i klyngene.

I byrjinga blei det produsert tal for fem klynger; marin, maritim, energi, reiseliv og media og kultur. Dei to sistnemnde fell ifrå etter leveringa i 2014, då vi såg at datakvaliteten ikkje var tilfredsstillande.

Frå oppstart og til og med 2016 sto Ideas2Evidence i Bergen for produksjonen av tala. Etter dette gjennomførte Hordaland fylkeskommune på vegne av Vestlandsrådet ein brei anbodskonkurranse hausten 2016, kor sju kjende og til dels store konsulentmiljø leverte tilbod. Samfunnsøkonomisk analyse i Oslo blei til slutt tildelt kontrakten for dei neste fire åra grunna høg fagleg kvalitet, erfaring og konkurransedyktig pris.

I sin noverande form, omfattar nøkkeltala tre klynger inkludert: marin, maritim og energi. Sistnemnte har av faglege årsaker blitt delt i fornybar og ikkje-fornybar. Datamaterialet bygg på rekneskapsdata og er gjenstand for omfattande kvalitetssikring og analyse, slik at tala leverast første kvartal eit drygt år etter rekneskapsårets slutt.

Under den noverande avtalen var siste leveranse av data våren 2019, med opsjon om tilsvarande leveranse i 2020.

Forslag om å etablere eigen database for heile næringslivet på Vestlandet

Fylkesrådmannen meiner tida no er moden for at fylka sjølve tek over arbeidet med å framskaffe, kvalitetssikre og formidle detaljerte næringsdata, ikkje berre for utvalde næringer, men for heile næringslivet.

Fylka har den naudsynte kompetansen til å gjere denne jobben sjølv og dette vil bidra til større eigarskap og auka bruk. Etter innleiande etableringskostnadar vil dei årlege vedlikehaldskostnadane truleg verte lågare enn ved å nytte eit konsulentselskap. Gjennom å gjere dette sjølv vil vi også kunne få eit produkt som famnar heile næringslivet på Vestlandet, og som kan gjerast opent tilgjengeleg for publikum, til nytte både for fylka, resten av det regionale verkemiddelapparatet, kommunane, næringslivet, media, academia og samfunnet elles.

Bergen kommune har vore i kontakt med Hordaland fylkeskommune og uttrykt interesse for å støtte et arbeid med å framskaffe samla næringsstatistikk for Vestland fylkeskommune. Databasen vi her foreslår å etablere vil delvis svare på det behovet.

Dersom det ikkje er ønskjeleg å etablere ein database for alle vestlandsfylka, vil Vestland fylkeskommune vurdere å gjere det for det nye fylket.

Målsetnad

- Ein kvalitetssikra database med økonomiske nøkkeltal for alle verksemder på Vestlandet som kartleggjar alle delar av næringslivet i fylket og følgjer utviklinga over tid.
- Databasen skal bidra til kunnskapsbasert næringsutvikling på både kommunalt og regionalt nivå og vere ein portal for media, academia og andre som søker oppdatert, kvalitetssikra informasjon om næringslivet på Vestlandet.

- Ved å byggje den opp frå verksemdnivå vil den kunne nyttast til å trekke ut aggregert informasjon på alle geografiske nivå frå grunnkrets opp til landsdelsnivå.
- Basert på kunnskapen Hordaland fylkeskommune har fått gjennom arbeidet med nøkkeltala sidan 2008 vil vi kunne lage aggregering for utvalde næringar som marin, maritim og energi, slik som i dag. Sidan vi bygg databasen opp frå verksemdnivå og dekker heile næringslivet, vil vi i tillegg kunne lage aggregering for andre næringar av interesse, slik som media, reiseliv, detaljhandelen, m.m. Slik kan vi lage eit sett førehandsdefinerte inndelingar i klynger og næringar, samstundes som det også kan opnast for at brukaren sjølv kan velje ønska inndeling.
- Dersom mogleg skal databasen koplust på andre kjelder for verksemddata hos interessentane, t.d. løyvingar, deltaking i prosjekt i offentleg regi, klyngetilhøyrsløysing m.m. På denne måten vil vi få oversikt over kva bedrifter per bransje som har mottatt støtte eller anna hjelp frå det offentlege og det vil vere mogleg å drive «følgjeforsking» på desse verksemdene.
- Innhaldet i databasen skal vere ope tilgjengeleg i så stor grad som mogleg og eit enkelt og intuitivt grensesnitt skal gjere brukarterskelen låg. Det kan likevel vere behov for å legge enkelte delar av databasen bak t.d. ei innloggingsløysing dersom det er naudsynt av omsyn til bedriftssensitive data eller liknande.

Prosjektorganisering

Fylkesrådmannen foreslår at det vert sett ned ei prosjektgruppe leia av Vestland fylkeskommune som mellom anna skal sjå på etablerings- og driftskostnadane knytt til ein slik database og arbeide fram eit løysingsforslag som leggast fram for Vestlandsrådet våren 2020.

Det er også ei målsetting at ein ved etableringa av databasen vel ei teknisk løysing som medfører stor grad av automasjon, slik at det blir minst mogleg behov for manuell datahandtering. Det er derfor ønskeleg for arbeidsgruppa å knytte til seg ein person med den naudsynte IT-kompetansen. Vi foreslår at denne ressursen blir henta internt i Hordaland fylkeskommune for å sikre tett og godt samarbeid med prosjektleiar.

Vidare foreslår vi at det vert skipa ei referansegruppe for å drøfte moglege løysingar og få faglege innspel, og sikre ei god forankring.

Forslag til samansetting av prosjektgruppe: Ein representant frå næringsavdelinga i kvart av fylka og Bergen kommune, pluss ein IT-ressurs frå Vestland fylkeskommune.

Forslag til samansetting av referansegruppe: Deltakarane i prosjektgruppa, representantar for Innovasjon Norge og næringsklyngene.

Kostnadsestimat

Dagens avtale med Samfunnsøkonomisk analyse har kosta omlag kr 200 000,- per år. Det inkluderer hovudleveransar av data annakvart år, inkludert ein rapport med presentasjon av tala på fylkesnivå, og opsjonar på leveranse i mellomåra.

Undersøkingar fylkeskommunen har gjort i forkant tyder på at driftskostnadane knytt til årlege oppdateringar og kvalitetssikring av datamaterialet vil bli vesentleg lågare samanlikna med tilsvarende levert frå ein kommersiell aktør.

Dette dokumentet er elektronisk godkjent.